

"Rub Ooooo Rub. Erubrub jen Rub Erub. Ejabbom Rub Bwe'j Lum. Etke en Rub ke Dreka in Jen."

Kadkad in bujen kōto<sup>o</sup>bar eo an Mejit Island Lomejad Municipal Government. Bwe kem armij in Mejit Island, Marshalls, kemij tomak ilo Anij, einwot am like im yokwe E. Ewor am anemkoj in Kabun, mour im makitkit bareinwot.

Kemij ejake Jemen-Ei in am, kejerbal jimwe im maron in am jen Anij, im enaj non kim im ebeben ko am tokelik. Non kakon bedbed im karkan kien eo ejmwe im jejet non kiene anin anem, im armij ro am. Einwot ke, kem eo dri joleti maron, manit, mour im jimwe ko an ro jibum im jimam.

Etab unin bwe en utiej buruom kin murin kōl'm-maankōl an Iroj im alap ro am bareinwot. Ekomon bwe en wor am jimwe im maron in anemkoj ilo jikin ko am kajojo ion anin anem, einwot am joleti jeramon kein kon menokadu in turin mejen Iroj im Alap ro am jimor.

Elon buki year remotlok, ko im rej menin am kememej, kin air kar ella ion aban ko rebbin im jerkaju non ir ien otemej. Rar kajion debij im bubuj juon wot bed im mour eo ebin ion ene juon in air saurok, non kalek jukjukin bed in aer im am, im ejelok uwaan.

Kem dri jolet ro, im dri amnak ion ene im lometo eo ej jebile kem jen ien non ien. Einwot an make iaan im ebar ejelok bok, ene, im na ko rej kojjabwe. Eboktok non kim enemokjen elap, kin kar ibben dron im burukuk an Iroj im Alap ro am, ke raar bok na madeem ro renaj kar iton anjo loom, ilo raan ko etto, einwot aer kar jab ko jen im ko imfeer. Ke ekar lorrōn tok, ro jinier rekar pen na toran ro nejier mae ien rebok tub eo. Kio, kemij ainwot nieded im bed floan juon wot alele. Anin anem make, ej kalikare ke kemij jab jebel jen dron, ak kemij bed ilo juon wot buoj im juon wot kerak.

Kin Jemen-Ei in, kemij kabinlok wot yokwe im jimwe im mour eo am, ibben dron ilo anemkoj eo ekamnono. Kemij kojerbal maron in tel eo am ear itok jen Anij, liloki non ritto ro am. Ekkar non jolet eo am, ke kemij ejake Jemen-Ei in. Kemij kabin konan eo am bwe kemin mour iben dron ilo ainemon, im juon wot buru ilo anemkoj eo ekamnono. Non kijetoto im kotobar jokane kin aolepen ijo kim marone, non jiban im rielok kotobar eo an ritto ro am kin mejan kajak eo emon non kim jimor.

Kemij kautiej manit ko am, im kejbarok meto eo am jeramon, einwot an ro jibum im jiman kar ejaki ilo Mejit Island, ijo kabijukinieer. Im kem kio, kemij jab konan bar juon kabijuknen eo ijelokin kabijuknen in.

Kemij bareinwot konan jake jebol eo non aelon im ene ko jet, tokjen jenjera, aenimon, burukuk, im yokwe doon. Non kautiej lomnak im jibadbad ko am kajojo im bukot yokwe eo an Anij non kij jimor. Anij en bed ippad im kejramon kij kio, tokelik im indreo.

JEMEN EI EO AN MEJIT LOMEJED  
LOCAL GOVERNMENT

PART I. - NON KARKAN LOAN JEMEN EI IN

SECTION 1. Etan Local Government Eo.

Etan Local Government in ej Mejit Lomejed Local Government.

SECTION 2. Belakin Local Government Eo.

Belakin edro im maron eo an local government in ej aolepen Mejit Island ekkar non Article IX, Section 1(2) im (3) ilo Jemen Ei eo an Marshall Islands, ej aitok lok non meto in berber eo ej jebole Mejit Island non juon kotan eo 5 mile jen man baal, einwot an alikar lok ilo Schedule 1.

SECTION 3. Capitol Eo.

Office eo elap an Local Government in enaj bed ilo Mejit Island.

PART II. - RAAN KOMON KIEN EO

SECTION 4. Ejakin ran komon kien eo.

Juon ran komon kien, eo enaj jela kake ke ej Mejit Council ej kio ejak non Local Government in, im ekkar non Section 13(1) ilo Local Government Act eo an 1980, maron in komon ordinance ko, ewof im maron in kojemoj ko an Local Government in iumin Article IX, Section 2 ilo Jemen Ei eo an Marshall Islands, rebed ibben raan komon kien in.

SECTION 5. Member Ro.

Council eo enaj ejak kin 17 member ro im rej -

(1) 15 member ro remaron vote kelet ir jen aolep dri vote ro.

(a) 10 enaj wor maron ko an alab ibbeir — 4

(b) 5 naj kelet ir jen aolep armij — 3

(2) 2 Iroi member ro reban vote, kelet in bwijin Iroi ro ilo Mejit Island.

## **SECTION 6. Ekelel**

(1) Member ro walok ilo Section 5(1) naj kelet ir kin ballot jen aolep dri vote ro, einwot an walok ilo Section 13 im 23 ilo Local Government Act eo an 1980.

(2) Ekelel eo maktata an member ro walok ilo Section 5(1) naj komon ilo juon ien eo, ejejit im ebaktata non jemlokin ekelel eo lok iman, karok jen Chief Electoral Officer eo.

## **SECTION 7. Qualification ko.**

(1) Qualification ko non Council Member ro walok ilo Section 5(1) rej:

- (a) 25 yio im drittolok
- (b) juon citizen in Marshall Islands
- (c) jokwe ion Mejit tarrin 6 allin
- (d) ewor an maron ko ion bwirej
- (e) ejelok utarwe in komaliij ibben
- (f) jab bed iumin kaje an kien; im
- (g) juon register voter in Mejit

(2) Qualification eo juon non Council Member ro walok ilo Section 5(1)(a)

ej bwe en wor maron ko an alab ibben.

## **SECTION 8. Term in Jerbal.**

(1) Term in jermal an member ro walok ilo Section 5(1) enaj 4 yio, ijowotke, ilo ekelel eo maktata elkin an jejit kitien Jemen Ei in, member ro 8 im enaj etal lontata vote non ir naj jermal iumin 4 yio im ro jet 7 naj jermal iumin 2 yio.

(2) Term in jermal an member ro walok ilo Section 5(2) enaj 2 yio.

(3) Term in jermal an juon member eo walok ilo Section 5(1) -

- (a) jino ilo ran eo elkin kalikar im kwalok ke ewin; im
- (b) jemlok ilo ran eo mokta jen bar ekelel non jea eo.

(4) Term in jermal an member ro walok ilo Section 5(2) -

- (a) jino ien eo kalikar ijiton eo an; im
- (b) jemlok ran eo mokta jen ekelel eo juon.

**SECTION 9. Jea ko Ejelok Kobbair.**

- (1) Jea eo an juon council member enaj ejelok kobbair elane -
  - (a) term in jermal eo an ejelok ekkar non Section 8; ak
  - (b) ejako an qualify ak maron bed ilo Council, iumin Section 1, im maron ko rekar bed ibben mokta jen ekelel rejako; ak
  - (c) emij; ak
  - (d) ej kamoje jen jea eo an kin kojela ilo jeje non local government eo; ak
  - (e) ej emakit jen office iumin Subsection (2).
- (2) Council eo emaron, kin vote eo ebin ejab etelok jen 3/4 in aolep iuan Council, komakit juon member jen office kin un ko rekkar.

**SECTION 10. Jea ko Ejelok Kobbair Kin Un Ko Jet.**

- (1) Elane jea eo an juon member in Council einwot an alikar ilo Section 6(1) enaj ejelok kobbair ijelokin wot ne ejelok term in jermal eo an ekkar non Section 8, dri jibadek eo ilo ekelel eo moktalok jen bukon in ekelel eo im ear lontata an vote ak ear jab win enaj kanne kobbair jea in.
- (2) Ilo ien eo ejelok armij enaj qualify iumin Subsection (1) ak armij eo emakoko in jijet ilo jea in, im naj ~~kanne kobbair jea in kin juon jijet~~ an Council eo.

**SECTION 11. Kwelok Ko.**

- (1) Kwelok ko an Council eo naj komon etet tata juon alen ilo juon allin, ilo ien ko im ran ko Council eo ej karoki, kin resolution, ilo default (elane ebar ejelok jabrewot karok ko jet) jen Mayor eo, ak kin kojela non Rule in Kwelok ko an Council, im enjab ete jen 7 ran.
- (2) Chief Electoral Officer eo ilo ien eo emokaj im alikar, elkin kwalok tobrakin ekelel eo elap kein kajuon an Council, kin kojela non aolep ro iuan Council, ki juon ien kwelok an Council.
- (3) Mayor eo ilo jabrewot ien emaron, im naj ilo juon eo emokaj im alikar elkin an tobrak lok juon petition an ro elon uwair ilo Council eo, im kalikar ta unin

kwelok eo, kir juon ien an Council kwelok kin kojela ekkar non rule in jermal ko an Council.

(4) Juon special kwelok enaj komon kin wot un ko rej walok ilo kojela eo ej kir non kwelok im jab Tonlok jen 3 ran aitokan.

(5) Meeting ko an Council renaj belloko non jabrewot armij.

(6) quorum non kwelok ko an Council ej elane elle jen jimettan in aolep ro iuan Council rebed.

(7) Mayor eo enaj tel aolep kwelok ko an Council elane ebed im ilo lor wot Section 18 in Rule in jermal ko an Council, ilo ien an jako ak ilo ien eo ejelok kobban office eo an, juon dri kwelok kelet in aolep ro rej Council member enaj tel kwelok.

(8) Ijelokin wot an walok ilo Local Government Act 1980, aolep bebe im kajitok ko iman Council ilo ien an kwelok naj bebe im koweppeni ekkar non juon lon in vote an ro rej bed im kwelok im vote, ak ejelok bebe enaj elle elane enaj tie vote ko.

#### SECTION 12. Wewin Kwelok Ko.

(1) Council eo enaj je im kojbarok juon journal kin kobban kwelok ko an.

(2) Council eo enaj ejake Rule in kwelok im jermal ko an, ren jab idrabortok ibben Jemen Ei in, jabrewot kien an Central Government eo im jabrewot ordinance ko an Mejit Council, non karoke wewin an Council eo komant im lolorjaki jermal im kwelok ko an.

(3) Ilo lor wot Jemen Ei in, jabrewot kakien an Central Government eo ak jabrewot ordinance an Council in, Council eo emaron lolorjake make kobban kwelok im jermal ko an.

#### SECTION 13. Committee Ko.

Council eo emaron ejak Standing Committee ko im bar Committee ko jet non jerbale jabrewot jermal ko, ilo tomak eo an Council eo, rekar im rejelit bwe Committee kein ren jembali.

PART III. - JEBAN LOCAL GOVERNMENT EO

SECTION 14. Office eo an Mayor eo.

Juon office an jeban local government in, eo etan ej Mayor, ej kio ejak non local government in.

SECTION 15. Qualification ko an Mayor

(1) Qualification ko an Mayor rej erkein:

- (a) en juon registered voter ilo Mejit; im
- (b) en juon eo ej jokwe ilo Mejit; im
- (c) en juon eo 30 yio drettan ak rittolok.

SECTION 16. Kelet Mayor eo.

(1) Dri vote ro an Mejit Island enaj kelet Mayor eo kin ballot einwot an alikar ilo Section 13 im 23 in Local Government Act 1980 eo.

(2) Ekelel eo muktata non kelet Mayor eo enaj komon ilo fen ekelel eo muktata non kelet Council member ro ej komon einwot emoj karokl ilo Section 6.

(3) Term in jerbai eo an Mayor ej emen (4) yio im enaj ijino ilo fen eo emoj kelete im jemlok ilo fen eo emoj kelet eo ej bok jikin.

SECTION 17. Jolok Kobban Office.

(1) Office eo an Mayor enaj ejelok kobban elane:

- (a) term in jerbai eo an emoj an bojrak ekkar non Section 16(3); ak
- (b) emoj an jako jen e qualification ko rej aikwij kar bed ibben ekkar non Section 15;

SECTION 18. Dri Binej Jenkwan

(1) Ilo fen an jako ak utamwe Mayor eo, enaj jiton juon ian ro iuan Executive Committee eo bwe en bok edro in jerbai ko an, ak elane ejab, inem Executive Committee eo enaj jiton juon.

(2) Juon member in Executive Committee eo jitone ekkar non Subsection (1) bwe en bok edro im lolorjake edro ko an Mayor, enaj belek et in Mayor im jabrewot melele ko ilo jabrewot kien ak Rule in jerbai (Rule of Procedure) ko an Council

rej fokelok Mayor eo naj kile ke rejelet member in.

**SECTION 19. Jerbal im Edro an Mayor eo.**

Aolep maron ko, jerbal ko im edro ko jebar jen Jemen Ei in, Ordinance an Local Government in, kien an Central Government im rule in kwelok ko an Local Government in, rej kio ilok non Mayor eo.

**PART IV. - RAAN LOLORJAKE KIEN EO**

**SECTION 20. Ejak in Ra Eo ej Lolorjake Kien.**

(1) Juon Executive Committee an Local Government in, eo na etan Executive Committee an Mejit Council, ej kio ejak im ekkar non Section 14(1) in Local Government Act 1980, ej ra eo eutiejtata non lolorjake kien ilo Local Government in.

(2) Executive Committee eo ilo koba in aolepen ej uak non Council eo ikijen lolorjake kien ilo belakin Local Government eo, lolorjake jerbal ko an Executive Committee eo im member in Executive Committee eo komarone iumin Jemen Ei in, jabrewod ordinance an Local Government eo ak kien an Central Government eo.

**SECTION 21. Uan Executive Committee Eo.**

(1) Executive Committee eo enaj ejak kin -

(a) Mayor eo; im

(b) Jilu (3) member in Council eo ijiton in Mayor ilo jeje im naj kile in ke Executive Members.

(2) Quorum non kwelok ko an Executive Committee ej ruo (2).

**SECTION 22. Ejelok Kobban Jea Ko.**

(1) Office eo an Mayor enaj ejelok kobban ekkar non Section 17.

(2) Office eo an juon Executive member enaj ejelok kobban elane -

(a) Ejako jea eo an ilo Council iumin Section 9; ak

(b) Ejako office ak jea eo an Mayor eo iumin Section 17; ak

(c) Kamoje jen jerbal, iumin Subsection (3); ak

(d) Ej kamoje ilo kojela kin jeje non Mayor eo.



(3) Mayor eo maron kin wor un, kamoje juon Executive Member jen jermal.

(4) Elane office eo an Mayor eo enaj ejelok kobban kin un ko jet ijelokin wot an moj kamoje iumin Section 17(2), Executive Member ro renaj wonmanlok wot im komani jermal ko air (ekoba jermal in jiton eo iumin Section 18 non jiton juon ian ro iuan Executive Committee eo non lolorjake jermal ko an Mayor eo).

(5) Elane enaj ejelok kobban office eo an juon Executive Member kin wot an jemlok term in jermal eo an einwot juon Council member ekkar non Section 8, emaron wonmanlok wot im komani jermal ko an executive member mae ien emoj kelet Mayor eo ekal, ak elane ejab bar erum member in Council eo, ejab maron in vote ak bok kunan ilo kwelok ko an Council.

**SECTION 23. Dri Binej Jenkwan.**

Ilo ien an jako ak utamwe juon Executive Member, Mayor eo emaron -

(a) Jiton bar juon Executive Member, bwe en lolorjake jet ak aolep jermal ko an; ak

(b) Jiton juon member in Council bwe en jermal einwot juon Executive Member ak aolep men kein jimor ilo jako ak utamwe.

**SECTION 24. Ajeji Jermal im Edro ko non Executive Member ro.**

(1) Ekkar non Jemen Ei in, jabrewot ordinance an Local Government in, im jabrewot kien an Central Government eo, Mayor eo emaron jen ien non ien kabbeik juon Executive Member bwe en bok edro in lolorjake jet ian jermal ko an Executive Committee eo (ekoba edro eo ikijen lolorjake kitien ordinance ko an Local Government eo).

(2) Mayor eo enaj bok edro in jabrewot jermal ko rejanin kojemoj iumin Sub-section 1.

(3) Ejelok jabrewot ilo Section in enaj jelet koba in edro in maron an Executive Committee eo iumin Section 30(2).

**SECTION 25. Jermal an Executive Committee Eo.**

Executive Committee eo ej kabijer maron, edro im jermal ko lilok iumin Jemen Ei in, juon ordinance an local government eo, ak kien an Central Government eo.

**SECTION 26. Kabilek non Council kin wewin ko jet.**

(1) Ilo ien eo emokajtata Mayor eo ej aikwij kennanak Council eo im Minister eo an kien eo an Marshall Islands ikijen Local Government kin -

- (a) Ijton, jolok jen jea jea ak kamoje jen juon ian Executive Committee eo; ak
- (b) Ijton eo an, ak jemlokin ijton eo an juon member in Council non an jermal einwot juon Executive Member iumin Section 23(b); ak
- (c) Ijton eo an non juon member in Executive Committee eo non bok jikin im lolorjake jermal ko an Mayor iumin Section 18(1); ak
- (d) Ajej eo iumin Section 23(a) an juon Executive Member im ijton eo iumin Section 23(a) an juon Executive Member non lolorjake jermal ko an bar juon Executive Member.

(2) Ilo ien eo emokajtata Executive Committee eo enaj kojelaik Council eo im Minister eo an Kien eo an Marshall Islands ikijen Local Government ko kin ijton eo an non juon member in Executive Committee eo bwe en komani jermal ko an Mayor iumin Section 18(1).

(3) Ilo ien eo emokajtata Clerk eo an Local Government eo enaj kojelaik council eo im Minister eo an Kien eo an Marshall Islands ikijen Local Government elane Mayor eo enaj kamoje jen jermal ekkar non Section 17(1)(a); ak elane enaj moj kamoj an Mayor eo jermal iumin Section 17(2).

**PART V. - FINANCE**

**SECTION 27. Kejbarok Money Ko Rej Drelontok Im Driojlok.**

(1) Ejelok ewoj naj komon im ebar ejelok money in ewoj naj toltol, im ejelok money an local government eo naj kojerbale, elane ejab melim kin kakien.

(2) Subsection (1) ej jab jermal non grant ko (ijelokin loan ko) jen kien eo an Marshall Islands, ak bar non kojerbale money ko jen grant kein non un ko, im bed iumin karok ko im rej jermal kiki

(3) Aolep money ko bok non local government in naj, ijelokin wot ne komalimi kin ordinance an local government eo ak iumin juon Local Government Financial Memoranda, komon iumin Section 41(2) ilo Local Government Act eo an 1980, kollaik Tok non juon fund ak account ejak ekkar non juon ordinance ak financial memoranda eo.

**SECTION 28. Edro ko an Executive Committee eo ikijen Money.**

(1) Ej edro eo an Executive Committee eo non jake manlok bebe ko non Council eo ikijen jabrewot jermal ko rejelet budget, im jermal eo elap tata an executive committee eo enaj komon recommendation ko non council eo non komon ewoj in jermal in money ko jet, im non wewin kojermal money non local government in.

(2) Executive Committee eo ej iuak non Council eo ikijen aolep jermal in money an local government eo im non komeleleik aolep jemlok in money kein ekkar non kojemoj ko an council eo ak maron ko jet ekkar non JEMEN EI, in juon ordinance an local government eo ak juon kien an Central Government eo.

(3) Ijelokin wot ne kabilok ak kin erra eo an Executive Committee eo, kamole jen ak ilo etan Mayor eo, council eo ej jab maron komalim jabrewot ordinance ak jabrewot jermal ko jet jakemantak jen ro jet iuan council eo ijelokin wot Mayor eo ak juon iuan Executive eo elane ordinance eo enaj ilo lomnak eo an eo iuan Council ej tel kwelok eo -

(a) kojermal ak muri ikijen money ko an local government eo; ak

(b) kojabikbiki ak ukote (ijelokin wot ne ikijen kadrikdiklok) jermal in money ak muri; ak

(c) kojermal, ukote ak jolok jabrewot ewoj, rate, muri, wonen ak fine.

**SECTION 29. Budget im kojemoj**

(1) Executive Committee eo enaj lolorjake bwe en jadremantak iman Council eo ilo aolep financial yio -

(a) juon lajrak in budget estimates ikijen money im wewin kojermal; im

(b) juon ordinance in kojemoj non lajrak wewin an naj jermal money ko an council eo, im maron in bar komon kakobaba ko im ordinance ko rejelet money in kakobaba.

(2) Ilo lor jabrewot Local Government Administrative Memoranda komon iumin Section 41(1)(a) ilo Local Government Act eo an 1980 ikijen wewin komon ordinance ko im non jabrewot Local Government Financial Memoranda komon iumin Section 41(2) ilo ejja kien in wot, ordinance in kojemoj ko im ordinance in kakobaba ko ikijen money renaj lor wewin Bill ko ikijen kojemoj im kakobaba ikijen kojemoj an kien eo Iolap iumin Article VIII, Section 6 im 8 ilo Jemen Ei eo an Marshall Islands.

(3) Ilo lor wot jabrewot Local Government Financial Memoranda komon iumin Section 4(2) ilo Local Government Act eo an 1980, juon ordinance an local government eo emaron komon loan ko, ilo lor bedbed ko rej itok wot ekoba re-programming im juon contingencies fund ak enaj jerbal non jerbal ko jet.

(4) Ejelok jabrewot ilo Section in enaj kabojrak kojemoj ko im rej lukkun kwalok un eo bwe en mottan ordinance ko an local government eo im oktak jen ordinance in kojemoj eo im ordinance in kakobaba eo.

(5) Kojemoj ko naj jako kitier ilo jemlokin aolep financial yfo eo im ejelete ijelokin wot ne, ilo wot title eo an ordinance in kojemoj in enaj bar kin juon ordinance in kalikar bwe in kojemoj eo.

#### SECTION 30. Loan Ko.

Local Government in ejamin ebbok loan ko, kotluk muri ikijen revenue ko an tokelik, ak komon jabrewot kain muri ko renaj jelet money ko an tokelik elane ejab lor Section 50 ilo Local Government Act eo an 1980.

#### SECTION 31. Account Ko.

(1) Executive Committee eo enaj lolorjake bwe en wor account ko ebolemeir im jejjit im record in revenue ko im expenditure ko an local government eo im men ko mweien local government eo.

(2) Account im record kein renaj lor -

- (a) Jabrewot Local Government Financial Memoranda ejak iumin Section 41(2) ilo Local Government Act eo an 1980; im
- (b) Ekkar non memoranda kein, jabrewot kabilek jen Auditor-General eo; im
- (c) Ekkar non memoranda kein, jabrewot ordinance an local government eo.

(3) Executive Committee eo enaj ilo ien eo ejejet mokajtata ilo jemlokin juon financial yio, dror iman council eo account ko ikijen jabrewot money im wewin air kar jerbal non local government eo ilo yio eo, koba ibben jabrewot report ko ikijen bwinbwin account ko iumin Section 32.

**SECTION 32. Audit (BwinBwin)**

(1) Ilo koba lok ibben bwinbwin eo walok iumin Section 35 ilo Local Government Act eo an 1980, Auditor General eo ak juon eo emoj an komalimi enaj ilo jabrewot ien, bwin account im record ko an local government eo, im jabrewot account ko naj drori ak lomnak in drori iman Council eo iumin Section 31(3).

(2) Auditor General eo ak juon eo ej komalimi enaj report lok non council eo im Minister eo an Kien eo an Marshall Islands ej bok edro in Local Government ko kin bwinbwin eo im enaj, ilo report eo an kwaloki aolep tibrikrik in likjab ko iloan account im record kein, ak ilo account ko ekkar non ijo ejelete.

(3) Non komoni jerbal ko an bwinbwin iumin Subsection (1), Auditor General eo ak juon eo ej jitone ewor an maron im jimwe walok ilo Article VIII, Section 15 in Jemen Ei eo an Marshall Islands.

**SECTION 35. Financial Memoranda ko**

Ekkar non Jemen Ei in, jabrewot armij eo ej bok kunan ilo lolorjake makitkit in money ilo local government in renaj lor aolep Local Government Financial Memoranda ko walok iumin Section 41(2) ilo Local Government Act eo an 1980.

**PART VI. STAFF (Dri jerbal an Local Government eo.)**

**SECTION 34. Dri Jerbal ro an Local Government Eo**

(1) Mayor eo, ilo etan Local Government eo, emaron jiton juon clerk non local government eo, im bar officer im dri jerbal ro jet einwot an watoke ke men in aikuij non komanman jerbal ko an local government eo.

(2) Local Government eo ej e eo ej kojerbal Clerk in im officer im dri jerbal ro jet an kien eo.

(3) Term im wewin i jiton im jermal an Clerk eo officer ro im dri jermal ro jet naj komon kin ak iumin maron an ordinance an local government eo, im elane enaj ejelok ordinance, naj oktak ko rekkar, lori wewin an ro ilo public service eo im rej bok jermal ko, non jabrewot unin jermal ilo jabrewot kien an Central Government eo non -

- (a) Chief Secretary eo ak juon department head non ikijen Clerk eo; im
- (b) Public Service Commission naj ikijen executive committee.

**SECTION 35. Seconded, etc. public servants.**

Ekkar non jabrewot karok ko iumin Section 16(3) ilo Local Government Act eo an 1980, im non jabrewot un ko reoktak jen jabrewot ordinance an local government eo, juor member in Public Service eo im naj kojerbale ilo local government ekkar non Section in, ak telok jiban ko an non local government in ekkar non Section eo, ej kotemene bwe ej juon officer an local government in non un ko an jabrewot ordinance an local government eo ijelokin wot juon ordinance eo ej kalikar term im wewin ebbok dri jermal ilo local government in.

**SECTION 36. Wewin komon oktak non Jemen Ei in.**

(1) Jemen Ei in emaron oktak kin juon ordinance an local government eo, eo emoj an elle ibben Council eo ruo alen kin 2/3 in vote ko an aolep ro iuan Council eo, ijowotke, elle ko ruo an ordinance eo ej aikuij wor 30 ran ikotair, ak juon ien eo ekadruTok Minister eo an Government eo an Marshall Islands ikijen local government ej kemelimi, kin un ko rekkar ikijen kajojo wewin rot in.

(2) Elane Minister eo an Kien eo an Marshall Islands ikijen local government ej kabilek lok non local government eo kin jet oktak non Jemen Ei in, council eo enaj lomnak kaki, ak ejab aikwij buki, ilo an wor ak ejelok kakobaba noni.

**SECTION 37. Kabilek ko jen Central Government ikijen ordinance.**

Elane Minister eo an Kien eo an Marshall Islands ikijen local government ej rejan non council eo bwe juon ordinance en komon, ukok ukote loan, Mayor eo enaj lolorjake bwe kobban kabilek eo en jere iman council eo koba nan in kabilek ko jen

Executive Committee eo.

**SECTION 38. Jimwe im ekkar non ordinance ko.**

(1) Mayor eo emaron, im enaj elane council eo enaj karoke, kajitok lok ibben Minister eo an Kien eo an Marshall Islands ikijen local government kin juon report jen Attorney General eo kin jimwe im ekkar an juon ordinance ak jabrewot elmakot in ordinance an local government eo, ak kin jabrewot jerbal ak elmakot in jerbal an local government eo.

(2) Elane Minister eo enaj komane juon report eo einwot kajitok eo ej walok ilo Subsection (1), Mayor eo enaj kwalok report in non council eo.

**SECTION 39. Ejelok Kobban Jea Ko.**

Jemlok ko emoj air dedelok jen council eo, Executive Committee eo, im ilo lor wot jabrewot ordinance an local government eo im rules of procedure ko an council eo, im committee ko an council, rejamin oktak kitier ilo an wor jea en ejelok kobban, elane woran member eo non kaun juon quorum non kwelok ej bed wot.

**SECTION 40. Jerbal**

Elane ewor jabrewot kain jerbal ak unin jerbal lellok non, jakemanlok ak karon local government eo ilo juon ien eo -

- (a) Ejelok kobban jea eo an Mayor eo ak elane ejako ak eutamwe Mayor eo; im
- (b) Ejelok armij jitone iumin Section 18, enaj bwe elane naj jilkinlok im address e Clerk eo an local government eo.

**SECTION 41. Jejet Kitien**

Jemen Ei in enaj jejet kitien ilo ien eo Minister eo an Kien eo an Marshall Islands ikijen local government enaj karoke.